



25. Oktober 2011

Inatsisartut Suleriaasianni § 37 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq:

Aatsitassanut ikummatissanullu susassaqarfiup iluani Kalaallinik sulisoqarneq aamma Kalaallit Nunaanni suliffeqarfiit kiisalu sulisartunut nunanit allaneersunut najugaqarnis-samut sulinissamullu akuersissutit pillugit aammalu akuulersitsineq pillugit Naalackersu-isunut apeqquqtit.

(Inatsisartuni ilaasortaq Niels Thomsen, Demokraatit)

Tungavilersuut:

Nunarput inuussutissarsiornikkut ineriartorlualeruttorpoq. Tamassuma malitsigivaa, uangut aali-angersaasartutut arlalinnik eqqumaffigisassaqaqarnerput. Demokraatinut pingaarpoq, inuussutissar-siutini nutaani sikkeriartortuni annertunerpaamik kalaallinik sulisoqarnissaa, aammali akuersaar-parput, avataaniit tikittunik suliassanik assigiinngitsunik suliaqartussanik annertuumik tikisitsisa-riaqarnissaq.

Taakkua apeqquqtiarlunnik Demokraatit Naalackersuisunut isummersorffigitikkusutaannik qaqi-lertuipput.

1. Naalackersuisut qanoq iliorpat, aatsitassalerinermi ikummatissalerinermilu kalaallinik sulisussaqaqarnera naammaginartunillu piginnaaneqartoqarnissaa siuarsaavigerusllugu?

Apeqquq pingaaruteqarluartuuvoq ersarittumik akissuteqarfigissallugu, qulequttap iluani siunner-feqarluartumik iliuseqarnissaq pingaaruteqarluinnartuummat najungaqaqavissut amerlanerpaat aatsitassalerinermi ikummatissalerinermilu sulisinnaatikkumallugit.



Apeqqutit tullii Aatsitassat pillugit inatsimmi § 18-mut tunngapput. Tassani erserpoq, piginnaat-itsinermik akuersissummik tunineqarsimasup sulisartut kalaallit imaluunniit suliffeqarfiit qanoq atortigissanerai. Piginnaatitsissummilli pigisaqartoq sulisunik Kalaallit Nunaanninngaanneer-suunngitsunik nunanit allaneersunik atuisinnaavoq. Aamma taamatut akuersissummik tunineqarsimasup suliffeqarfiit allat atorsinnaavai, Kalaallit Nunaanni suliffeqarfiit teknikkikkut niueqatigiinnikkulluunniit unammillersinnaassuseqanngippata.

2. **Naalakkersuisut oqaatigisinnaanerlugu, Aatsitassanut inatsisip § 18-ia malillugu qaagukkut suliffeqarfik Kalaallit Nunaanneertuunersoq?**
3. **Naalakkersuisut suut iliuuserivaat isumannaarumallugu, suliffeqarfiit Kalaallit Nunaanneersut teknikkikkut niueqatigiinnikkullu unammillersinnaassuseqarnissaat?**
4. **Naalakkersuisut qanoq iliorniarpat isumannaarumallugu, Aatsitassanut inatsisip § 18-ia atuutilersivissinnaalersikkumallugu, suliat amerlanerpaat Kalaallit Nunatsinni neqeroorutigineqaqqulugit?**
5. **Naalakkersuisut qanoq ersarissaaviginiarpaat, suliassat suut, Kalaallit Nunatsinni neqeroorutigineqarnerat kiisalu kikkunnut suliakkiissutigineqarnerat?**

Sulisartunut nunanit allaneersunut tunngatillugu, massakkut nalorninarunnaarnikuuvoq, suliarujussuarni angisuuni sanatilluni piviusumik sulisartunik nunanit allaneersunik pisariaqartit-sisoqartoq. Tamanna piviusoq Naalakkersuisut pitsaanerpaamik piareersarfigisariaqarpaat, taamaattumillu apeqqutit ukua akissuteqarfigitikkusuppakka:

6. **Sulisartunut nunanit allaneersunut najugaqarnissamut sulinissamullu akuersissutit pillugit (qaammatit pingasut sinnerlugit najugaqarnermi) eqaatsumik suliassamik isumaginnittoqanissaa qulakkeerumallugu, Danmarkimi arriitsumik suliamik isumaginnittoqarnera pequtigalugu suliassaajumaartussat kinguarsarumanagit imaluunniit unitsivikkumanagit, Naalakkersuisut suna iliuuseriniarpaat?**



7. **Sulisartut nunait allaneersut peqataalersikkumallugit Naalakkersuisut qanoq piniarp-at?**
8. **Sulisartut nunait allaneersut peqqinnissaqarfiup iluani kiffartuunneqarnerup tungaa-tigut qanoq pisinnaatitaaffeqassappat?**

Apeqqutit ullut suliffiit nalignnaasut qulit iluanni akissutisiffiginissaat qilanaarivara.